



## SOALAN

Perluakah perkataan makan dibubuh imbuhan dalam ayat: 'Saya makan nasi' atau 'Saya memakan nasi'?

Oleh: Syafiq Salim,  
P6C, Sekolah Rendah Meridien



## JAWAPAN

Ramai antara kita menganggap kekata "makan" merupakan kata kerja asal, yakni kata kerja yang bebas dan tidak memerlukan imbuhan. Dalam Kamus Dewan, terdapat perkataan "makan" dan "memakan". Walaupun demikian, kedua-duanya mendukung maksud yang berbeza.

### **Kekata makan boleh membawa maksud:**

- memamah, mengunyah dan menalan makanan.  
(Adik saya makan roti)
- rezeki.  
(Dia mencari makan di negeri orang),
- menggunakan atau menghabiskan masa / wang  
(Projek itu makan waktu yang banyak)
- lut atau dapat menembusi.  
(Pisau itu tidak makan tubuhnya)
- Bekerja seperti yang dijangkakan  
(Brek basikal itu tidak makan)
- Dapat masuk  
(Paku itu boleh makan satu sentimeter ke dalam papan itu.)
- Menerima nasihat.  
(Inilah padahnya jika orang tidak makan nasihat).
- Mengambil secara haram  
(Pegawai itu makan duit).

### **Kekata memakan pula boleh membawa maksud:**

- makan secara aktif  
(Mereka pun duduk memakan sarapan itu).
- Memakan waktu / wang  
(Projek itu memakan belanja yang besar)
- Merosakkan atau memusnahkan  
(Api memakan rumah papan itu Pak Ali.)

